



Broj: 01,02-50-14-94/14
Sarajevo,

Parlamentarna skupština Bosne i Hercegovine
Predstavnički dom
Dom naroda

Na osnovu člana 29. stav (1) tačka a) i člana 31. stav (1) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12), člana 29. stav (1) tačka a) i člana 35. stav (1) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06 i 91/07 i 32/12), te dopisa, broj: 01-50-2-14-83/14, od 3.9.2014., Interresorna radna grupa za pripremu izmjena i dopuna Izbornog zakona Bosne i Hercegovine podnosi

IZVJEŠTAJ
O RADU INTERRESORNE RADNE GRUPE
ZA PRIPREMU IZMJENA I DOPUNA
IZBORNOG ZAKONA BOSNE I HERCEGOVINE

Zaključkom Predstavničkog doma Parlamentarne skupštine BiH, broj: 01-50-1-1138/13, usvojenim na 56. sjednici, održanoj 5.11.2013., te Zaključkom Doma naroda Parlamentarne skupštine BiH, broj: 02-50-6-1245/13, usvojenim na 34. sjednici, održanoj 16.12.2013., osnovana je Interresorna radna grupa za pripremu prijedloga izmjena i dopuna Izbornog zakona Bosne i Hercegovine (u daljnjem tekstu: Interresorna radna grupa).

Navedenim zaključcima utvrđeno je da se u Interresornu radnu grupu imenuju po tri člana iz Predstavničkog doma Parlamentarne skupštine BiH, Doma naroda Parlamentarne skupštine BiH, Vijeća ministara BiH i Centralne izborne komisije BiH.

Iz Predstavničkog doma, u Interresornu radnu grupu, imenovani su poslanici: Niko Lozančić, Nermina Zaimović-Uzunović i Milorad Živković, odnosno Darko Babalj, imenovan nakon ostavke Milorada Živkovića.

Iz Doma naroda imenovani su delegati: Borjana Krišto, Halid Genjac i Krstan Simić.

Također, u Interresornu radnu grupu iz Centralne izborne komisije BiH imenovani su: Branko Petrić, Suad Arnautović i Stjepan Mikić, a iz Vijeća ministara BiH: Sredoje Nović, ministar civilnih poslova BiH, Bariša Čolak, ministar pravde BiH, i Zekerijah Osmić, ministar odbrane BiH.

Zaključcima o osnivanju utvrđeno je i da administrativno-tehničke poslove za Interresornu radnu grupu obavlja Sekretarijat Parlamentarne skupštine BiH.

Interresorna radna grupa dobila je zadatak da, najkasnije do 28.2.2014., pripremi prijedlog izmjena i dopuna Izbornog zakona Bosne i Hercegovine, u smislu da predložene izmjene podrazumijevaju sveobuhvatnu reformu izbornog zakonodavstva uz potpuno otklanjanje svih neustavnih elemenata iz Izbornog zakona Bosne i Hercegovine i osigura da rezultati izbornog procesa, u što većoj mjeri, odražavaju izbornu volju svih naroda i građana u Bosni i Hercegovini.

Interresorna radna grupa održala je dvije sjednice.

Prva, konstituirajuća, sjednica održana je 24.1.2014., na kojoj su izabrani predsjedavajući i zamjenici predsjedavajućeg Interresorne radne grupe. U skladu s navedenim, za predsjedavajućeg izabran je Halid Genjac, te Darko Babalj za prvog, a Stjepan Mikić za drugog zamjenika predsjedavajućeg.

Nakon dva neuspješna pokušaja sazivanja druge sjednice Interresorne radne grupe (6.2.2014. i 18.2.2014.), sjednica je zakazana za 25.2.2014.

S obzirom da je kvorum za rad osiguran na isteku roka do kojeg je trebalo završiti posao određen navedenim zaključcima domova Parlamentarne skupštine BiH, predsjedavajući je predložio, a članovi jednoglasno podržali prijedlog da Interresorna radna grupa obavijesti kolegije oba doma Parlamentarne skupštine BiH da ona nije u ostavljenom roku pripremila prijedlog izmjena i dopuna Izbornog zakona Bosne i Hercegovine. Također, članovi su odlučili da odustaju od naknada za rad u radnoj grupi za mjesec februar tekuće kalendarske godine.

U vezi s navedenim, Interresorna radna grupa je, aktom broj: 01,02-50-14-94/14, od 26.2.2014., obavijestila kolegije oba doma Parlamentarne skupštine BiH, te Sektor za finansije, radi isplate navedenih naknada.

Nakon dostavljanja obavještenja, a povodom Zaključka Predstavničkog doma Parlamentarne skupštine BiH, broj: 01/a-50-1-15-64/14, od 13.3.2014., usvojenog na 64. sjednici, kojim se zadužuje formirana Interresorna radna grupa da nastavi rad i u što kraćem roku, a najkasnije do polovine aprila 2014. godine, podnese izvještaj o radu i usaglašeni prijedlog izmjena i dopuna Izbornog zakona Bosne i Hercegovine, članovima radne grupe - poslanicima iz Predstavničkog doma Parlamentarne skupštine BiH produžen je mandat za rad u Interresornoj radnoj grupi.

S obzirom da Dom naroda Parlamentarne skupštine BiH nije usvojio zaključak kojim se zadužuje Interresorna radna grupa da nastavi rad, njeni članovi - delegati u Domu naroda nisu imali mandat da nastave rad u Interresornoj radnoj grupi, o čemu je kolegijima oba doma Parlamentarne skupštine BiH dostavljen akt, broj: 01,02-50-14-94/14, od 24.3.2014.

Predsjedavajući
Interresorne radne grupe
Halid Genjac